

Naalakkersuisut siulittaasuat

Landsstyreformanden

Inatsisartunut ilaasortaq Palle Christiansen
c/o Inatsisartut Allattoqarfiat
maaniittoq

**Naalakkersuisunut apeqquteqaat pill. Sisimiut Kommuunianni kiffartuussi-
neq pisortallu suliffeqarfiutaat Sisimiuniittut.**

Matumuuna Sisimiut Kommunianni Sisimiunilu pisortat sullissiveqarfiini kiffar-
tuussinerit pillugit 7. februar 2007-imi apeqquteqaatit akissuteqarfigineqassap-
put.

Apeqquteqaatit Naalakkersuisoqarfinnut assigiinngitsunut tunngasuupput. Taa-
maattumik akissuteqaatit pisortaqarfiit susassaqtartut akissuteqaataat tunngaviga-
lugit suliaapput.

Apeqquteqaat 1:

Naalakkersuisut pilersaaruteqarpat Kangerlussuarmi innuttaasut kigutilerisussa-
qarnissaat qulakkeerunniarlugu?

- a. Taamaassimappat, sutigut?
- b. Taamaangippat, sooq taamaattoqanngila?

Akissuteqaat:

Kangerlussuaq Sisimiut Kommunianni nunaqarfittut inissisimavoq – taamaalillu-
nilu Sisimiut kigutileriffeqarfiannut atasuulluni.

Kigutilerisarnermi qangaaniilli anguniagaavoq pisinnaasat periarfissiinerat naa-
pторlorlugu nunaqarfinni innuttaasut kigutileritinnissamut neqeroorfigineqartarnis-
saasa isumaarneqarnissaat.

”Kalaallit Nunaanni kigutilerisarneq pillugu maleruaqqusani” 12. oktober 2006-
imeersumi kapitali 6, § 12, imm. 3-mi ilaatigut ima allassimasoqarpoq: ”Nuna-
qarfinni kigutilerisarneq ingerlanneqartassaaq nunaqarfiit inuttussusiat pisaria-
qartitsinerallu apeqqutaatillugit – taamaattorli ikinnerpaamik nunaqarfiit ukiu-
mut ataasiarluni tikinneqartassapput”.

Sulisussaqarniarnikkut pissutsit kiisalu kigutit nakorsaannik pissarsiniarnerup
ajornakusoornerujussuata kinguneraa, ukiuni makkunani kigutilerisarneq innut-
taasunut ataatsimut isigalugu naammaginartumik pisinnaangitsoq.

Tamanna tungavigalugu oqartoqarsinnaavoq, ukiuni kingullerni Kangerlussuaq
Kalaallit Nunaanni nunaqarfiit sullinneqarneranni agguaqatigiissillugu kiffar-
tuunneqarnerusartog. Taamaalilluni oqaatigineqarsinnaavoq, 2006-imi Kanger-
lussuaq katillugit qaammatit marluk missaanni kigutilerisarnermi kiffartuunne-
qarsimasog.

Siuliiniittut tunngavigalugit pilersaaruteqartoqanngilaq – periarfissaqanngilar-
luunniit – kigutilerisarneq eqqarsaatigalugu Kangerlussuup kiffartuunneqarnera
annertusineqassasog.

15. februar 2007
J.nr. 02.14

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Apequt 2:

Naalackersuisut Sisimiuni tusilartut atuarfiat pillugu qanoq pilersaaruteqarpat?

Akissuteqaat:

Ullumikkut tusilartut imaalipput, tusilartut ikiliartortorujussuullutik. Pisoq pissutigalugu nuna tamakkerlugu meeqqanut inuusuttunullu tusilartunut ulloq unnuarlu ineqarfimmi, Uiluinni, sulisut amigaateqarnerat pillugu, sullissivimmut nutaamik sulisut amerlassusissaat pillugu sulissuteqartoqarpoq. Tusilartut inuusuttut marluk, maanna Uiluinniittut inissiamut marloqiusamut nutarsakkamut nuutsinneqarput. Sulisorisat sinneri nooqataapput, taamaalilluni inuusuttut atuarfimiinnginnermi nalaanni pisariaqartumik suli perorsaaniikkut tapersorsorneqarsinnaasassallutik siunnersorneqartassallutillu. Suli unnuaanerani sulisorisanik isumaginnittoqartassaaq. Ineqartut Sisimiuniit illoqarfimminnut utissagunik – inissiaq suli tusilartunit inuusuttunit pingasunit atorneqarsinnaasassaaq, atuartuusunit sulilluni luunniit misiliisunit. Naak Uluiit ineqarfiata inissisimarnga allanngoraluartoq, inuusuttunut tusilartunut Sisimiuni najugaqarusuttunut ilinnialerumasunullu suli periarfissaqassaaq.

Imaalissagaluarpalli, inuusuttut tusilartut siunissami ineqarfimmi ineqarsinnaasut suli amerlanerulissasut, inissiamik ataatsimik attartornissaaq periarfissaqassaaq, tassani inuusuttut tusilartut siunnersortimit sulisorisanillu maanna ineqarfimmut attuumasunit ikorfartorneqarsinnaasassallutik. Meeqqat mikinerusut pineqassapata, ilaqutariit paaqqinnissinnaasut pilersinneqarnissaat periarfissaqassaaq.

Apequt 3:

Naalackersisut Katsorsaavik, B-1827, Daarngup Aqq.-iittoq pillugu qanoq pilersaaruteqarpat?

Akissuteqaat:

Qiviarfimmi sulisorisassanik pissarsiniarnerup ajornartorsiutaanerujussua pissutigalugu meeqqanut inuusuttunullu katsorsaavik maanna taamaatsilluni atorunnaarsinneqarpoq. Paarlattuanik taanna Qasapermiunut nuunneqarpoq, tassani meeqqat inuusuttullu inuuniarnermikkut pissusilersortarnermikkullu ajornartorsiutillit sisamat kiisalu inuusuttut pinerluuteqarsimasut sisamat immikkut pisariaqartitallit inissaqarsinnaassallutik.

Apequt 4:

Sooq kollegiet Aqqusinersuarmititut inereersut suli atulerneqanngillat?

Akissuteqaat:

Sisimiuni kollegiani nutaani tallimaasuni pingasut august 2006-imiilli naammassineqareerput. Kingullit marluk 2007-imi majip naanerani naammassissangatinneqarput. Tamatumani ineeqqat 72-it pineqarput.

Illumoorpoq inissiat pingasut siulliit suli atorneqalinnginnerat. Tamatumunnga pissutaavoq, Danmarkimiit pequtiniq pissarsiniarnissaaq ajornartorsiutaangaatsiarsimammat. Taamaalilluni ineeqqat ima pequsersugaanngillat maanna atorneqariaannaallutik.

Tuniniaasumiit kingullermik ilisimatitsissutigineqarpoq, inissianut pingasuusunut ineeqqanut 36-nut pequtit kingulliit 16. februar 2007-imi Sisimiunut apuunneqasasat, kingornalu kollegiat atorneqarsinnaalissallutik.

Inissianut kingullernut marluusunut pequtit 25. marts 2007-imi Sisimiunut apuunneqassapput.

Inussiarnersumik inuulluaqqusillunga

Hans Enoksen